

**PEMBERITAHUAN PERTANYAAN BERTULIS DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : BERTULIS

**DARIPADA : YB DATO' ABDULLAH SANI BIN ABDUL HAMID
[KAPAR]**

SOALAN

DATO' ABDULLAH SANI BIN ABDUL HAMID [KAPAR] minta **MENTERI SUMBER MANUSIA** menyatakan apakah terdapat kursus pendek dalam mempersiapkan lepasan sekolah dalam bidang industri bertaraf separuh mahir dalam bidang pembuatan dan perkhidmatan.

JAWAPAN

Tuan Yang di-Pertua,

1. Kementerian Sumber Manusia (KSM) menerusi Jabatan Tenaga Manusia (JTM) menawarkan program Latihan dan Pendidikan Teknikal dan Vokasional (TVET) kepada lepasan sekolah melalui 32 buah Institusi Latihan Jabatan Tenaga Manusia (ILJTM) yang terdiri daripada sebuah Institut Teknikal Jepun-Malaysia (JMTI), 8 buah Pusat Latihan Teknologi Tinggi (ADTEC) dan 23 buah Institut Latihan Perindustrian (ILP). JTM sentiasa bersedia menyediakan laluan bagi menggalakkan lebih ramai lepasan sekolah menjalani latihan TVET bagi mendapatkan kemahiran baru, mahupun meningkatkan kemahiran sedia ada secara sepenuh masa dan separuh masa di ILJTM dalam bidang kemahiran teknikal/kejuruteraan

SOALAN NO : 12

seperti Mekanikal dan Pengeluaran, Elektrikal dan Elektronik, ICT, Sivil dan Bangunan, Bukan Logam dan Percetakan.

2. JTM juga menawarkan latihan separuh masa atau jangka pendek berbentuk teknikal berkonsepkan kursus *modular* (dirancang mengikut kalendar latihan) dan *customized* (modul dibentuk setelah perbincangan dua hala antara peserta dan penyedia latihan), di mana kursus ini adalah terbuka sepanjang tahun pada hujung minggu ataupun selepas waktu pejabat. Ianya terbuka kepada pekerja industri sedia ada dan belia lepasan sekolah yang sedang mencari pekerjaan yang berhasrat untuk meningkatkan kemahiran ataupun mempelajari kemahiran-kemahiran baru sebagai persiapan memasuki pasaran pekerjaan mahupun meningkatkan produktiviti kerja.
3. JTM juga telah memberi penekanan latihan kepada sektor-sektor yang kritikal dan mendapat permintaan tinggi seperti Sektor Perkhidmatan iaitu dalam bidang Elektrikal, Elektronik dan Automotif; Sektor Pembuatan dalam membuat komponen Automotif, komponen kapal terbang berasaskan bahan komposit; Sektor Minyak dan Gas dan Sektor Pembinaan dalam bidang *Scaffolding* dan *heavy machinery*.
4. Menerusi penyertaan golongan lepasan sekolah di dalam kursus-kursus jangka pendek yang ditawarkan, mereka berpeluang untuk ditauliahkan dengan Pensijilan Kemahiran Malaysia menerusi kaedah Pengiktirafan Pencapaian Terdahulu (PPT). ILJTM telah diiktiraf sebagai Pusat Bertauliahan PPT dan ini membolehkan para peserta mendapatkan khidmat bimbingan dari ILJTM bagi membangunkan portfolio berdasarkan pengalaman yang mereka miliki sebelum diversifikasi oleh pihak Jabatan Pembangunan Kemahiran (JPK).

Sekian, terima kasih.